

Պ Ա Շ Տ Օ Ն Ա Կ Ա Ն

ԿԱԹՈՒՂՈՍԿՈՍԱԿԱՆ ԱՄԵՆԱՊԱՏԻՒ Տ. ՏԵՂԱԿԱԼԻ
ՏՆՕՐԷՆՈՒԹԻՒՆՆԵՐԸ.

Թուղթ Ս. Էջմիածնի Սինոդի անունով, որով առաջադրուեց պատուիրել վիճակային բոլոր կոնսիստորիաներին ուղարկել բոլոր հոգևոր հաստատութիւնների (եկեղեցի, վանք, թեմական դպրատուն, ծխական դպրոց և այլն) օգտին եղած կտակների պատճէններն և մանրամասն տեղեկութիւններ՝ կտակի դրամագլուխների տոկոսների դործադրութեան և անշարժ կալուածների արդիւնաբերման եղանակի մասին, այլ և հանել նոյնպիսի տեղեկութիւններ Սինոդի գործերից՝ Մայր Աթոռի, Գէորգեան Հոգևոր Ճեմարանի և այլ հոգևոր հաստատութիւնների օգտին եղած կտակների մասին և պահանջուած տեղեկութիւնները լրացնելուց յետոյ կազմել կտակների համար ցուցակ, որ և տպագրել տալուց յետոյ՝ մի մի օրինակ ուղարկել վիճակային Կոնսիստորիաներին և նոյնպիսի օրինակներ պահել Սինոդում: 25 յունի, 1911 թ. № 1231.

Թուղթ օհնութեան և գոհունակութեան Բագուեցի Տիկին Հռիփսիմէ Աղամեանի անունով, որ նուիրաբերում է Տ. Գարեգին վարդապետ Յովսէփեանին 5000 ռուբլի Հայոց մանրանկարչական գեղարուեստի մասին նրա կազմած աշխատութեան հրատարակութեան համար: 30 յունիւարի 1911 թ. № 1245.

Առաջադրութիւն ս. Էջմիածնի Սինոդի անունով, որի հետ ուղարկուեց մի հարիւր (100) ռուբլի, որ նուիրել է Մայր Աթոռի օգտին Ագուլիսի բժիշկ Պ. Վահան Ն. Գէորգեանն իւր հանգուցեալ նիադ հօր յիշատակին: 31 յունիւարի 1911 թ. № 1249.

Թուղթ օրհնութեան և մխիթարութեան յիշեալ բժիշկ Պ. Վահան Ն. Գէորգեանի անունով յիշեալ նուիրաբերութեան առթիւ: 31 յունիւարի 1911 թ. № 1250.